

Lejla Homarac,  
učenica III razreda Pete gimnazije u Sarajevu  
Treća nagrada na konkursu Fonda "Bošnjaci" Sarajevo

Potku mu otkale sunce i kiše  
Ćilim je to što priča i diše  
Po zemlji prostrt tisuće ljeta:  
miriše, zbori i cvjeta  
U srcu Svijeta  
U šarama mu zapreteni:  
nesretni. sretni i izgubljeni a  
Najviše oni sneni, zaljubljeni  
San o Bosni od jave je preći  
Jer san o Njoj san je i o sreći  
Najpreći i najveći kada propast vreba  
Kada Bosna ječi  
Ćilimom kad bi htjeli da gaze  
Oni što ne paze ispisane staze  
Od davnih dana, od Kulin-bana  
od stećaka, dobrih Bošnjana i rana  
od gazija i Husein-kapetana  
Bosna je cijela izatkana  
Pređom što se lahka čini ali je čvrsta,  
vjeruj mi,  
jer za sigurno uže se drži  
Ne brini!  
Čvršće od suhog je zlata  
Na ćilim njezin nikad pasti neće  
Niko sa stopama od blata  
Mirisni cvjetovi u ćilim su utkani  
Crvenom bojom izatkani  
što traju i prljavoj nozi na sebe ne daju  
Odozgo čuvati gledaju da neko šare prkosa i ponosa  
ne pokvare  
Ćilim od sjećanja u sebe ne može popiti  
Zaborava niti  
Drinom priča, hući ko god pođe ući  
Oprat noge treba  
da ga grijeh ne vreba  
kad na zemlju kroči koja ima oči  
Zelene od vode, sjajne od slobode  
Što pozna dušmane, nasluti uhode  
Živo je biće ćilim po Bosni  
Osjetit' će svako ko na njega kroči  
Vodit' će ga danju kuda god poželi  
Širinu da dijeli  
Snom o Bosni će da veseli onog ko zanoći  
Kada ode koraci će u ćilimu ostati zapreteni, bosonogi, čisti

Jer svi dobri ljudi, ćilim dobro znade,  
Na svijetu su isti kao i mi